



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Ecclesiae Mechliniensis, Anni M. DCC. XVIII. Circa
Bullam Unigenitus**


Archidiocèse <Malines>

Bruxellis, [1719]

Exemplar Responsi Illustrissimi & Reverendissimi Domini Episcopi
Brugensis.

urn:nbn:de:hbz:466:1-40699

tes mansuras, intraque paucorum, inibi plus justò sapere volentium, ora suffocandas speraveram, idque, ut accideret, humilitèr simul ac instantèr Deum rogabam; sanè malo, quod oppressum credebamus, nunc recrudescente, fortiùs quòque contraire necesse erit. In Bulla *Unigenitus* Supremum Ecclesiæ Caput errores, maximâ ex parte ab ante damnatos, notavit novitèr; Episcopi Orbis universi, paucis Gallis exceptis, necessitatem simul, ac justitiam Pontificiæ definitionis agnoverunt reverentèr; quid restat, nisi ut oblatrantes puniantur fortitèr? Nullum, laus Deo, publicè id verbo factove facientem novi hucusquè in Diocesi meâ; de occultis judicabit Dominus: non dormio interim ego, nec dormiunt mei, sentietque primus, quem oblatrandi pruritus invaserit, quòd, dum Summum Pastorem loquentem alii Pastores prò debito auscultant, & ipse Pastorem suum audire, aut pro hædo haberi, & quâ talis, à bonis separari debeat. Sum interea debito cum respectu. Antverpiæ 3. Decembris 1718. Excellentiæ Vestræ humillimus Servus. *Erat signatum. P. J. Episcopus Antverpiensis.*



EXEMPLAR RESPONSI


*Illustrissimi & Reverendissimi Domini
Episcopi Brugensis.*

Excellentissime, ac Reverendissime Domine

SUmmo cum animi gaudio legi, & relegi Epistolam Pastoralem, quam Excellentissima, ac Reverendissima Vestra Dominatio mecum commu-

municare dignata fuit, à se adversùs Ecclesiæ perduelles, & in schisma protendentes editam: Zelum enim verè Apostolicum in ea suspexi, & veneratus sum, atque alterum in ea agnovi *Humbertum Guilielmum* zelosissimum, & piissimæ, æternùmque venerandæ memoriæ Antecessorem Vestrum, Filiorum iniquitatis, ac publicæ tranquillitatis perturbatorum Malleum. Novo quòque ardore in me sensi accendi & augeri zelum illum, quo turbarum, quibus Ecclesia modò tam miserè exagitur, Authorem *Quesnellum* ex pernicioso latebris aliàs extraxi, & prò integritate tranquillitatequè sponsæ vestræ agonizari non cessavi. Placuit quidem Divinæ Providentiæ desponsare mihi Ecclesiam Brugensem Fidei integram, luisque Jansenianæ puram, quæ ambabus ulnis, singularique applausu Constitutionem Apostolicam *Unigenitus* amplexa fuit, eamque adhuc constringit arctissimè; at, cum è speculâ Pastoralis sollicitudinis funesto igne, quem *Quesnellus* ejusque affectu suscitavit, proximam ardere videam Galliam, & ex ea quaquaversum vibrari ignea tela, turbulenta inquam, & venenata diffundi scripta, piâ æmulatione zelum Vestrum æmulari satagam, & Gregem mihi creditum, ne veneno illo affletur, aspirante Domino præmunire salubri instructione. Interim Supremum Ecclesiæ Sponsum, cui absolutum in ventos & mare Imperium, enixissimè orare non desinam, ut perduellium voluntates ad obedientiæ debitum propitiùs compellat, & solatio restauratæ pacis, ac servatæ veritatis, fructu Epistolæ Vestræ Pastoralis, Vos beet, & in Ecclesiæ Belgicæ Bonum diù fervet incolumes. Hoc ardentissimum Votum ex intimis cordis medullis effundit, qui summo cultu permanet. Brugis 5. Novembris 1718. Excellentissime, ac Reverendissime Domine, Vestræ

stræ Dominationis Excellentissimæ, & Reverendissimæ, Humillimus, & Obsequentissimus Servus.
Erat signatum. HENRICUS JOSEPHUS Episcopus Brugensis.



EXEMPLAR RESPONSI

Reverendissimi Domini Vicarii Apostolici Buscoducensis.

Excellentissime, & Reverendissime Domine

E Pistolam Pastoralem ab Excellentia Tuâ jam pridem editam, & promulgatam, ab eadem ad Suffraganeos suos Episcopos, & ad me missam, quâ decet submissione, & obedientiâ amplector, in quâ nimirum, & per quam audio, & sequor vocem ipsius Pontificis, ejusdemque Constitutionis doctrinam infallibilem: quantâ promptitudine ego, & ipsi Belgii Episcopi eam jam diu suscepimus, & promulgavimus, novit Illustrissimus, & Reverendissimus Dominus Santini, pervigil ille Internuntius Belgicus, & per eum Sua Sanctitas ipsa: modò agitur de Constitutionis illius executione, & observantiâ: ad eam egregiè Nos incitat Epistola Tua Pastoralis, simili zelo, quo illam urget Christi Vicarius postremis suis Literis 28. Augusti labentis anni datis, ut inferiorem Clerum, & commissas Nobis Christi oves à venenatis pascuis, & doctrinarum novitatibus sedulò arceamus, simulque Apostolicam ipsius sollicitudinem in revocandis ad saniora consilia quibuscumque diffidentibus efficacius adjuvemus: tam sanctæ voluntati obsecundantes Suffraganei Tui indubiè omnem operam,